

Das aber das meehrwasser oder ein ander gesaltzen wasser in die pletze gossen / von der Sonnen hitz gsotten / vnd zu saltz wirt / also auch da nitart wasser am Nilu in die nitart pletz / gossen oder gleitter / vnd eben von der Sonnen hitz gekocht / wirt zu nitart gemacht. Ja auch wie das mehr mitt seiner krafft / so auff dē boden d' Egyptern fleuszt / wirt zu saltz / also auch der Nilus / so er im anfang der hundert tagen sich außgeuszt / vnd in die nitrische pletz fleuszt / wirt zu nitart gemacht.

Der Nilus A. Die Nitrische pletze C. Also halt ich dafür daß sie seyend.



Aber die lange darauß der nitart gemacht wirt / wirt auß süßem wassern / so durch die nitrische erden durchseicht / die laugen eben auß dem selbigē so durch die Echine äschen durchseicht / beyde mitt der wannen auffgfasst / vnd in die küpfferne gfirdren pfannen hinein tragē / so lang gsotten / biß daß es zu nitart werde. Aber der nitart er seye selbs gwachsen oder gmacht / so wirt er in den böten mit eines jungen Knaben harn gmischet / eben in den selbigen pfannen gsotten / das gesotten ist / wirdt in die böten gossen / denē küpfferne trät seindt / an welche so es hanget züsamen wechset / vnd wirt borras. Vorzeiten ist der nitart ohn den harn mitt dem Cyprischen grüspan gmischet / vnd zerribe mitt dem Cyprischen küpffer in Cyprischen mörsel / wie Plinius schreibt. Ja auch etliche machendt den borras auß alain folge / vnd Salarmoniack.

Dis